

Metridat yedes acht lot  
Wer es aber sach das du besorgst dz ein  
wasser sucht da wer.

So nim blaw gilgen wurzel wasser.  
Wild zirwan wurzel wasser/yedes xxiiij  
lot/vnd Triay vnd Metridat yedes xj  
lot. Das digerier vnd distiliers per alem  
bicum in balneo marie.

**Ein wasser so man dz trincke**  
yezwei lot/darunder vermischet ist Tre/  
ay vnd Roshib der wurzelen/yedes ein  
dritteil eins quitins macht vast schwizze

Nim Erenbreiß wasser  
Cardo benedict wasser/yedes xij.lot  
Tuben tropff wasser acht lot  
Zorber ein lot

Triay Metridat/yedes iij.lot  
Das werde gedigeriert vnd gedistiliert  
per alembicum in balneo marie

**Ein ander wasser da ein men**  
sch zu vil schwizt/das er schwach da vo  
würt so mā in dis wasser zu trincke gib  
ye vffzwey lot/vnd in daruff gib 3. lot  
Rosata nouelle zu essen/vn ein mal od  
zwey de leib vshwendig bestreicht mit roß  
öl partes iij Holt arment partem j. vn  
dereinander vermist wie ein dun öl.

Das wasser mach also  
Nim rosenmarinen wasser drey teil  
Rot rosen wasser ein teil

Das misch vndereinander vnd bruchs  
wie ob gemelt ist.

**Ein wasser welches güc ist für**  
ein bösen gestanck des leibs/das von vn/  
reiner feuchtigkeit kumpt/so mann sich  
offt damit weschet/vn vö im selber last  
erucken werden

Nim Wellissen wasser vier lot  
Rosenmarinen wasser drii lot  
Rosen wasser zwey lot  
Zauendel wasser ein lot

Dise wasser thun in ein klein gleklin / als  
ein cucurbit vnd setz daruff ein helm wie  
hie stot/vnd nim ein wenig bouwol vnn  
thū darin fünff gersten köner schwer bi

sem vnn d stoß die bouwol fornen in denn  
schnabel/vn distilier dz wasser dar durch  
in balneo marie/wie vor oft an gezeit ist



Vnd läg dz der bouwol nit zu vil noch zu  
wenig sei/vff dz sy nit vß dem helm in de  
cucurbit fal/od das/dz wasser dardurch  
tropffen mag/dünckt dich aber güc sein/  
so nim der bouwol dester mer vnd bind sye  
an schnierlein/vnd hencst sie zu aller ob/  
erst in den Cucurbit/das dz wasser dar/  
durch tropffe/vn verlutier die gleßer wol  
vff dz der spiritus nit vertriech/du maast  
auch wol nemen des bisems/nit mer dan  
drey gersten köner schwer vnn ambra  
grisi/ij.köner schwer.

**Ein Wasser da ein mensch**

blaw mal gefallen od geschlagen ist worz  
den/dz man leinen tücher darinnen nezt  
vn darüber legt zutag zwey od drey mal.

Nim gotz gnad wasser  
Sauben tropff wasser ydes xij.lot  
Weißwurz wasser von der wurzelen  
xxiiii.lot Ruten wasser  
Wermüt wasser/yedes vier lot  
Welschen kümel fünff lot  
Der kümel werd gepuluert vn als zusa/  
men vermist vnd gebzant.

**Das.v. Capitel dich leren**

würt machen wasser für die  
biz am leib.

Pp iij

Das vierd buch

Antho-  
nig  
plag.

**I**n war vnd gerecht  
wasser welchs sant Anthoni  
us plag leschet / genant ignis  
persicus / so man ein henffin  
werck daryn nezet / vnd leub

darüber leit tag vñ nach vier mal od me.

Nim grien niß wasser

Weggras wasser yedes .vij. lot

Rot korn rosen wasser

Wölinsen wasser yedes zwelfflot

Breit wegerich wasser

Wild Zitwū wurzeln was. yedes .vij. lot.

Gimst vnder einand vnd gebrecht.

**Ein Wasser da sich ein mēsch**

Brant.

verbrent hat / das man tücher darin nezt  
vñnd leub darüber geleit / tag drey oder  
vier mal / zucht vñ den brant.

Nim küw dreck wasser

Brant latic wasser dz vñ der erde gewa  
chsen ist / vñ nit in wasser / yedes .vij. lot

Grien korn krot wasser so es schier wil in  
ahern gon

Wullen wasser / yedes acht lot

Zinden blit wasser sechs lot.

Das vnder einand gemischet / vnd so der  
brant gelest ist / wiltu in dāst heiten so thū  
darzū ein wenig rinden von der mittelen  
schelet der lindē / vnd laßes ein walthün  
vnd nezt dan darin leinen tiecher als weit  
der schaden ist / vñnd leg sie darüber / das  
thū zum tag zwey mal.

**Ein güc Wasser so ein mēsch**

en die sonn verbrant hat.

Nim wasser gebrant vñ milrom .vij. lot

Linde blit wasser Gold blit wasser

Wagsonē krot wasser yedes acht lot.

Die alle vnder einand gemischt vñ leine  
tiecher daryn genezt / vnd leb darüber ge  
leit. Wer es aber sach dz man der zeit des  
brenens nit möcht erwarten so bestreichs  
allein nit milrom.

**Ein edel Wasser für alle vñ**

wendig hitz / so man drey oder vierfaltig  
tiecher darin nezt / vnd leub daruff leit.

Nim brant latic.

Nacht schatten Hußwurtz

Nur pfeffer Korn rosen.

Hanff krot Wölinsen

Jedes ein güc hantfol oder 3 wo / cleinzū  
samē gebacht vnd gedistilliert per alem  
bicum vnd bruchs wie vorstot.

**Ein Wasser das vberflüssig**

kalt ist vñwenndig vñ zulegen leub mit  
werck wie vor gesprochen ist.

Nim schwarz magstot krot wasser

Bilsen krot wasser / yedes zwelfflot.

Wölinsen wasser

Hußwurtz wasser / yedes .ij. lot

Alrun wasser

Pfifferling wasser / yedes sechs lot

Wagstū aber alrun wasser hie zū lannd  
nit habē / so nim darfür aquā solatri mor  
talens das ist Dohwurtz wasser. Wengs  
vnder einander vnd behalt es. 2c.

**Ein Wasser so ein mēsch hitz**

ig geblit hat / des tags zwey od drey mal  
getrunckē / yedes mal drey oder vier lot.

Nim latic wasser

Wurzelen wasser / yeder zwelfflot.

Genß distel wasser

Sudistelen wasser / yedes acht lot.

Die vermist vnd gebrecht.

**Ein güc Wasser das da ver**

treibt die schönē oder rot louffen / also dz  
es milch leb mit leinin tücheren / darüber  
geleit werd / vñ die wasser müssen mere  
soluieren dan repercurieren.

Nim küw dreck wasser

Wullen wasser yedes ein halb pfunde

Weybliemlin wasser

Kartē was. dz darin stot / yedes acht lot

Sillen wasser vier lot.

Das werd zum andern mal gedistilliert  
per alembicum in balneo marie.

**Einand Was. für dz freische**

od röte an ungē vñ altē / dz die hitz min  
dert / so man sein trincket des tags zwey  
oder drey mal / yedes mal zwey od drey lot.

Nim freiff am krut wasser. xxiiij. lot  
 Waltmeister wasser  
 Gacheil das man nent Colmar krut / yedes ein halb pfunt  
 Brunnen wasser.  
 Fedistel wasser yedes zwelfflot  
 Kürbß wasser.  
 Korn rosen wasser yedes. vj. lot  
 Gemist vnd behalten zum bruch

**Ein ander Wasser das gut ist**

für vberflüssig hitzig geblüt / so man das brucht wie vorgesagt ist.

Nim laticch wasser  
 Gensdistel wasser  
 Sudistel wasser  
 Wegweiß wasser yedes acht lot  
 Melonen korn Cucumer korn  
 Citrullen korn  
 Kürbs kern yedes zwey lot  
 Zertrit die kern vñ dz alles zusamē in ein cucurbit / vñ digeriers acht tag Da distillier es per alembicum in balneo ma.

**Ein Wasser zu lesche die hitz**

schwarzge blatterē / die zu ring vmb mit röte vñ grosser hitz vmbgebe seint / so mā dz leb macht vñ tiecher darin nezt vñ da über leit tag vñ nacht dry oder vier mal.

Nim nussleiffel wasser  
 Liebstockel wasser  
 Pfaffen rölin wasser yedes 2. pfunt.  
 Küwdreck wasser  
 Weggras wasser yedes zwelfflot  
 Eichin loub wasser  
 Breitwegrich wasser yedes acht lot  
 Das werd alles vñ einander gethon in ein glas vñ an die son gesetzt xl tag das sich die wasser mit einander vereinigen.

**Das. vj. Capitel dich leren**

würt machen wasser welche die vsser / en glider erwörmen.

**I**n edel Wasser das die vsseren glyder erwörmet / vnd ist gut da ein das marck in den beinen / vnd die glyder erkalt weren / so mā die morgens vñ abens warm damit reibt.

Nim klein brennend nessel wasser xij. lot.  
 Senff krut wasser  
 Gebranten wein yedes viij. lot  
 Rosenmarinen krut wasser  
 Camillen blumen wasser  
 Gel viol wasser yedes sechs lot  
 Alle vnder einander gethon / vud gesetzt an die son ein monat lang.

**Ein Wasser so ein mensche**

die glider erfroren seind / die zu heilen.  
 Bren wasser vs gefroren riben xij. lot  
 Linden blüt wasser  
 Laterwurz wasser eins ander namē genant Bisforra / yedes sechs lot  
 Wullen wasser drey lot  
 Vnder einander gemist vnd gebrucht.

**Das. vij. Capitel dich leren**

würt wasser distillieren die da gut seind / so ein mensch schüpecht ist / als ober vs / sezig wer.

**Vm ersten ein gemein**

wasser welches dz blüt reiniget / so man das trincket des tags ij. mal / yedes mal vff drey od vier lot / sundlich so man etwan dar zu misst

Sirupū de fumo terre oder Syrup de Epirhimo. Nachs also  
 Nim duben kropff wasser  
 Scabiosen krut wasser / yedes 2. pfundt.  
 Hopffen wasser  
 Burzetsch wasser yedes. xij. lot  
 Schpenzung wasser  
 Gamander wasser yedes acht lot.  
 Alle vnder einander vermist vñ behaltē

**Ein Wasser für rüdigkeit vsz**

wenig des leibs damit gewesen.

Nim Tuben kropff wasser.  
 Schelwurz wasser.  
 Wenwel wurzel wasser.  
 Reben safft das daruß trüfft.  
 Weyen row.  
 Aleum tartart deren aller gleich vil vñ distilliers per alembicum vnd bruchs. .cc.